



EXCMO. CONCELLO
DE
TUI

DONA PILAR FERNÁNDEZ ALONSO, SECRETARIA DO EXCMO. CONCELLO DE TUI,

CERTIFICA: Que a Xunta de Goberno Local en sesión realizada o **30 de xullo de 2021**, e no punto 3º da Orde do Día, adoptou o seguinte acordo:

3º.- Expediente 2294/2020. Aprobación das bases particulares reguladoras da convocatoria de becas de estudo para ensinanzas musicais do curso 2020-2021 no conservatorio/escola de música de Tui.

Vista a proposta da Alcaldía de data 27/07/2021 na que se recolle:

“PROPOSTA DE BASES PARTICULARES REGULADORAS DA CONVOCATORIA DE BECAS DE ESTUDO PARA ENSEINANZAS MUSICAIS DO CURSO 2020-2021 NO CONSERVATORIO/ESCOLA DE MÚSICA DE TUI.

Resultando: Á vista de que na partida de gastos 2021 / 1 / 326 / 48102 / 95 do Orzamento Municipal para o ano 2021 consignouse a contía de 5.000,00€ co obxecto da concesión de Becas de estudos para ensinanzas musicais.

Resultando: Que con data 10 de decembro do 2020 , o Alcalde mediante providencia da alcaldía **dispón** Que se efectúe a retención de crédito correspondente para incoar á iniciación do expediente de convocatoria de Becas de estudos e ensinanzas musicais para o Curso 2020/2021 do Conservatorio Profesional e da Escola de Música deste termo municipal e se proceda a redacción das correspondentes bases reguladoras.

Resultando: Que con data 10 de decembro do 2020, o Alcalde do concello de Tui aproba as bases reguladoras da convocatoria de becas que teñen por obxecto establecer os criterios para concesión das axudas para estudos de ensinanzas musicais no Conservatorio Profesional/Escola de Música de Tui para o curso 2020-2021.

Resultando: Que con data do 21/06/2021 asíñase o RC dende o departamento de Intervención certificando a existencia de crédito para o pago das becas aos solicitantes que cumpran os requisitos.

Resultando: Que con data 21/12/2020, foi emitido informe de Intervención no que o resultado da fiscalización é desfavorable suspensivo.

Resultando: Que con data 27/07/2021, emítese resolución da alcaldía na que no súa resolución primeira levanta o reparo interposto pola Intervención Municipal o 21.12.2020 (Ref: desf 153/2020)

Resultando: Que ao abeiro do establecido nos artigos 17.3.b e 20.8.a da Lei 38/2003, Xeral de Subvencións, publicarase o extracto da convocatoria no BOP, cuxo texto completo poderá consultarse na Base de Datos Nacional de Subvencións (<http://www.pap.minhap.gob.es/bdnstrans/index>). Ademais, o texto íntegro das presentes bases estará dispoñible no Taboleiro de Anuncios do Concello, así como na súa páxina web (www.concellotui.org).
.../...”

Visto o informe de reparo de intervención de 21/12/2020, a dilixencia de intervención de 07/07/2021, o



informe da concelleira delegada de ensino e cultura do 19/07/2021 e a resolución de Alcaldía de 27/07/2021.

Á vista dos antecedentes, a Xunta de Goberno Local, por unanimidade dos membros presentes (4 votos a favor), adopta o seguinte **ACORDO**:

Primeiro.-Aprobar as seguintes bases particulares reguladoras da convocatoria de becas de estudo para ensinanzas musicais do curso 2020-2021 para o conservatorio/escola de música de Tui, ademais da correspondente convocatoria, que quedarían definitivamente redactados segundo se establece a continuación :

1ª.- OBXECTO, BENEFICIARIOS/AS, APLICACIÓN PRESUPOSTARIA E LIMITES Á CONCESIÓN DE AXUDAS:

As axudas municipais de ensinanzas musicais, para alumnos/as do Conservatorio Grao Profesional e Escola de Musica para o curso 2020-2021, vai destinado a persoas matriculadas no Conservatorio de Grao Profesional e na Escola de Musica deste termo municipal, pertencentes a unidades familiares con ingresos brutos anuais ponderados segundo o descrito no apartado 5ª.-Determinación e ponderación de ingresos, e que non superen 3 veces o IPREM (22.558,77 €).

Os obxectivos son:

- 1.-Chegar a aquelas familias que realmente precisen desta axuda.
- 2.-Que os alumnos/as pertencentes a familias cun baixo nivel de ingresos teñan acceso a beca.
- 3.-Realizar un seguimento daquelas familias que se detecten de alto risco.
- 4.-Análises da poboación demandante e valoración das súas necesidades.

As axudas que se concedan financiaranse con cargo á partida de gastos 2020/1/326/48102/01 do orzamento municipal na contía total máxima de 5.000,00 €; concedendo as axudas por orden de puntuación e ata o límite máximo do crédito orzamentario.

2ª.-REQUISITOS DOS/AS SOLICITANTES:

- 1.- Estar matriculados/as ou ter fillos/as matriculados/as no Conservatorio de Grao Profesional e/ou na Escola de Música Municipal.
- 2.-Estar empadroad/a en Tui, tanto a persoa solicitante como no caso de menores ó pai/nai ou titor/a legal se os tivera, así como os nenos/as para os/as que se solicita a beca, con anterioridade á data de publicación destas bases.
- 3.-Que a familia non supere os ingresos brutos estipulados.
- 4.-Non ser beneficiario/a doutras entidades ou organismos públicos ou privados de axudas por este concepto; e non superar o límite de axudas establecido.
- 5.- Ter o curso completo aprobado (referido ao período lectivo 2019-2020), agás para os que inicien os estudos neste período lectivo, os cales deberán estar matriculados na totalidade de materias correspondentes ao primeiro ano.
- 6.- Comunicar a solicitude ou obtención de subvencións axudas para a mesma finalidade, procedentes de calquera administración ou ente público, nacional e /ou internacional
- 7.- De incumprir algún destes requisitos archivarase o expediente sen máis trámite.

3ª.-DOCUMENTACION A PRESENTAR:

a) Solicitude, en modelo oficial, no rexistro xeral deste Concello, o prazo de presentación de solicitudes será de 20 días hábiles, contados a partir do día da publicación desta convocatoria no taboleiro de anuncios desta Casa Consistorial, e do Conservatorio Municipal así como na súa páxina web (www.tui.gal) e (<http://www.edu.xunta.gal/centros/cmusprofesionaltui/>)

b) Fotocopia do D.N.I., NIE, Pasaporte ou documento análogo, da persoa que actúa como solicitante e





EXCMO. CONCELLO
DE
TUI

das persoas que convivan con el maiores de 16 anos. (en vigor)

No caso de NIE este terá que presentarse por tódalas persoas residentes no domicilio indistintamente da idade dos mesmos.

c) No caso de menores, fotocopia do libro de familia completo agás dos fillos/as que non convivan no domicilio.

Todos os datos económicos solicitados refírense ó exercicio económico 2019.

d) Xustificante de ingresos mensuais do ano 2019 do pai/nai ou titores , alumnos/as que soliciten axuda , e dos demais membros da unidade de convivencia maiores de dezaseis anos que convivan no mesmo domicilio dos/as alumnos/as para as que se solicita axuda, agás os que non pertencen á unidade familiar.

e) Fotocopia de tódalas follas da declaración da renda 2019 ou no caso de non estar obrigado a facela certificación negativa expedida pola Axencia Tributaria de Tui.

f) Tamén se computarán os ingresos do cónxuxe ou da parella á cal se atope unido/a, ou por análoga relación, así como dos fillos/as maiores que existan.

Mediante presentación de (SEGUNDO CORRESPONDA):

- Nóminas do ano 2019; ou certificado de retencións emitido pola empresa.
- Certificado do INSS ou entidade pagadora da pensión/s que percibiran no ano 2019.
- Extracto bancario do ano 2019 no caso de percepción de pensións estranxeiras.
- Certificado de alta e prestacións do Instituto Nacional de Emprego;
- Fotocopia de tódalas follas da declaración da renda 2019 ou no caso de non estar obrigado a facela certificación negativa expedida pola Axencia Tributaria de Tui.

No caso de non poder acreditar a situación económica cos documentos anteriormente apuntados, terán que facer unha declaración responsable dos ingresos familiares.

g) Copia da matrícula no Conservatorio ou Escola e xustificante bancario do pago da mesma.

h) Certificado Conta Cliente, expedido pola entidade bancaria. (Do que terá que ser titular o/a solicitante e de ser menor de idade a persoa que asina a solicitude na súa representación , (pai/nai, titor/titora) .

i) Declaración responsable de estar ao corrente das obrigas tributarias e da Seguridade Social.

j) No caso de alegar calquera das circunstancias excepcionais descritas no artigo 4º do baremo a aplicar, xustificante das circunstancias alegadas, en documento oficial.

O departamento de servizos sociais Comunitarios Municipais resérvase o dereito a solicitar a documentación necesaria para aclarar a situación socioeconómica.

4ª.- BAREMO A APLICAR:

Definición de unidade familiar : Considéranse membros computables da unidade familiar a efectos de



solicitude desta axuda:

- Pai e/ou nai (os seus ingresos considéranse ó 100 %)
- Solicitante (os seus ingresos, no seu caso, considéranse ó 100%)
- Irmáns solteiros/as menores de 25 anos que convivan no domicilio familiar a 31 de decembro de 2019 (no seu caso, considéranse ó 50%)
- Irmáns maiores de 25 anos só con discapacidade, física, psíquica ou sensorial (os seus ingresos, no seu caso, considéranse ó 50%)
- Ascendentes que xustifiquen a súa residencia (os seus ingresos, no seu caso, considéranse ó 50%)
- En caso de solicitantes, con unidade familiar independente (os seus ingresos considéranse ó 100 %), serán membros computable o seu cónxuxe (ou análoga relación), (os seus ingresos considéranse ó 100 %) así como os de fillos/as .

SITUACIÓN LABORAL: Por cada un dos membros computables da unidade familiar:

- Traballo fixo/indefinido.. e autónomos 0 Puntos
- Traballo temporal con contrato, Prestacións , Subsidios, 2 Puntos
- Pensionistas SS. ou Clases pasivas 3 Puntos
- Familias nas que os ingresos veñan de forma exclusiva de axudas de carácter social. (PNC,RISGA, RAI...) 4 Puntos

SITUACIÓN DA VIVENDA

- Vivenda Propia 0 Puntos
- Vivenda alugada ou amortizando 1 Punto
- Vivenda cedida ou en convivencia 2 Puntos

OUTRAS VALORACIÓN DE CARÁCTER SOCIAL

- FAMILIAS NUMEROSAS :

Determinanse como familias numerosas,

1. Un ou dous ascendentes con tres ou máis fillas ou fillos, sexan ou non comúns.
2. Un ou dous ascendentes con dúas fillas ou fillos, sexan ou non comúns, sempre que polo menos un deles sexa discapacitado ou estea incapacitado para traballar.
3. Dúas persoas ascendentes, cando ambas fosen discapacitadas ou como mínimo, unha delas tivese un grao de discapacidade en grao igual ou superior ao 65%, ou estivesen incapacitados para traballar, con dúas fillas ou fillos,sexan ou non comúns
4. **O pai ou a nai separados ou divorciados, con tres ou máis fillos**, sexan ou non comúns, aínda que estean en distintas unidades familiares, sempre que se encontren baixo a súa dependencia económica aínda que non vivan no domicilio conxugal.
5. Dous/dúas ou máis irmáns orfos/as de pai e nai sometidos a tutela, acollemento ou garda que convivan coa persoa titora, acollidora ou gardadora, pero que non estean ás súas expensas.
6. Tres ou máis irmáns orfos/as de pai e nai, maiores de 18 anos (ou dous, se un deles é discapacitado) que convivan e teñan unha dependencia económica entre eles.
7. O pai ou a nai con dous fillos, cando teña falecido a outra proxenitora.

- * Categoría Xeral 2 puntos
- * Categoría Especial 4 puntos

- Familias nas que algún membro da unidade familiar teña cualificación de GRAO DE MINUSVALÍA legalmente recoñecido, (xustificado mediante a presentación de certificado de minusvalía en vigor,emitido polo EVO da Xunta de Galicia) 3 puntos.
- Familias nas que algún dos seus membros teña recoñecido un GRADO E NIVEL DE DEPENDENCIA, (xustificado mediante presentación de fotocopia do ditame proposta do equipo de valoración da dependencia da Xunta de Galicia). 3 puntos.





EXCMO. CONCELLO
DE
TUI

- Familias monoparentais. 3 puntos.

Núcleo familiar composto por un único proxenitor ou proxenitora que non conviva con outra persoa coa que manteña unha relación análoga á conxugal e os fillos ou as fillas menores ao seu cargo, sempre que o outro proxenitor ou proxenitora non contribúa economicamente ao seu sustento.

Para estes efectos, teñen a mesma consideración que o fillo ou a filla:

1.º) As persoas unidas ao único proxenitor ou proxenitora por razón de tutela ou acollemento.

2.º) O concibido ou a concibida, sempre que mediante a aplicación desta asimilación se obteña maior beneficio.

VALORACION ECONOMICA

| TRAMO INGRESOS PONDERADOS | | |
|---------------------------|--------------|--------|
| DESDE... €/ANO | ATA... €/ANO | PUNTOS |
| - € | 7.519,59 € | 3 |
| 7.519,60 € | 15.039,18 € | 2 |
| 15.039,19 € | 22.558,77 € | 1 |
| 22.558,78 € | | 0 |

5ª.- DETERMINACIÓN E PONDERACIÓN DE INGRESOS:

A) Para a determinación dos ingresos familiares terase en conta, cando sexan debidamente acreditados, os exentos de tributación, prestación de incapacidade permanente ou grande invalidez, prestacións familiares por fillo a cargo, pensión de orfandade ou calquera outro exento de tributación.

B) Aos ingresos familiares determinados consonte o anterior aplicaráselles, en función do número de membros da unidade familiar, o coeficiente multiplicador corrector seguinte:

- Familias de un membro: 1,00.
- Familias de dous membros: 0,90.
- Familias de tres membros: 0,80.
- Familias de catro membros: 0,75.
- Familias de cinco o máis membros: 0,70.

B) Se algún membro da unidade familiar ou de convivencia é unha persoa con discapacidade, nas condicións establecidas na normativa do imposto sobre a renda das persoas físicas (IRPF), o coeficiente corrector aplicable será o do tramo seguinte ao que lle correspondería.

6ª.-IMPORTE DAS BECAS:



O Conxunto das axudas recibidas en ningún caso poderá superar o 100% do custe da actividade que vaia a desenvolver a persoa beneficiaria, sen que a axuda municipal poida superar a porcentaxe do 70% de dito importe (custe da matrícula), agás nos casos sinalados no artigo 8 da Bases Xerais Tipo Reguladoras da Concesión de Subvencións.

Ao seguir especificanse as porcentaxes máxima segundo o baremo de puntos obtido:

| PUNTUACION | PORCENTAXE |
|-----------------|------------|
| 22/15 inclusive | 70% |
| 14/10 inclusive | 60% |
| 9/5 inclusive | 50% |
| 4/1 inclusive | 40% |

7ª.-INSTRUCCIÓN E ÓRGANO INSTRUCTOR:

A instrución do procedemento de concesión de subvencións correspóndelle á Administración do Conservatorio Profesional/Escola de Música de Tui, a cal realizará de oficio cantas actuacións estime necesarias para a determinación, coñecemento e comprobación dos datos en virtude dos cales debe formularse a proposta de resolución.

As actividades de instrución comprenderán:

- Petición de cantos informes estime necesarios ou aqueles que sexan esixidos polas normas que regulen as subvencións. Todos serán emitidos nos prazos regulamentarios para resolver.
- Avaliación das solicitudes ou peticións, realizada segundo os criterios, formas e prioridades de valoración establecidas nas bases da convocatoria.
- Unha vez avaliadas as solicitudes, a comisión cualificadora deberá emitir informe no que se concrete o resultado da avaliación realizada.

Os instrutores , tendo en conta o expediente e o informe da comisión cualificadora, formulará unha proposta de resolución provisional, debidamente motivada, que deberá notificárselles ás persoas interesadas e mediante a publicación no taboleiro de anuncios do Concello. Concederase un prazo de dez días dende a recepción da notificación, para presentar alegacións, ou a solicitude de reformulación da súa solicitude para axustar os compromisos e condicións á subvención que se propón outorgar.

Examinadas as alegacións, de ser presentadas polos interesados/as, os instrutores formularán proposta de resolución definitiva, que deberá expresar o solicitante ou a relación de solicitantes para os que se propón a concesión de subvención, a súa contía, con especificación da avaliación e dos criterios de valoración seguidos para realizala. Ao expediente engadirase informe no que conste que da información levada a cabo se desprende que os beneficiarios/as cumpran todos os requisitos necesarios para acceder ás mesmas.

As propostas de resolución provisional e definitiva non crean dereitos a favor do beneficiario/a proposto fronte á Administración mentres non se realice a notificación da resolución definitiva da concesión.

O estudio e, de ser o caso, a concesión ou denegación de axudas económicas, realizarase tralo estudio do bloque de solicitudes presentadas.

8ª.- COMISIÓN CUALIFICADORA:

A comisión cualificadora estará composta polo Sr. Alcalde ou persoa en quen delegue , o director/a, e con voz e sen voto o persoal instructor do procedemento.





EXCMO. CONCELLO
DE
TUI

9ª.- RESOLUCIÓN:

Unha vez que realicen todos os trámites relacionados con cada solicitude, a Comisión Cualificadora elaborará proposta de resolución que serán resoltas polo órgano competente no procedemento concedendo ou denegando a subvención.

De non resolverse expresamente esta convocatoria no prazo de tres meses, contados a partir do día seguinte ao remate do prazo de presentación da solicitude, entenderase desestimada.

A resolución pon fin a vía administrativa.

10ª.- REVOGACIÓN DA CONCESIÓN:

A concesión desta axuda poderá ser revogada no caso de ser concedida a alumnos/as que non reúnan algún ou algúns dos requisitos establecidos ou incorran en ocultación ou falseamento de datos. Neste caso o alumno/a deberá reintegrar o importe da axuda incrementado cos intereses de demora correspondentes dende a data da súa concesión.

NORMAS SUPLETORIAS.

No non previsto nestas Bases Particulares será de aplicación a Lei 38/2003, Xeral de Subvencións; e o Regulamento da Actividade de Fomento deste Concello.

E para que así conste, expido a presente en Tui, de orde e co visto e prace do Sr. Alcalde, Enrique Cabaleiro González e coas salvedades e advertencias establecidas no artigo 206 do ROF.

Documento asinado dixitalmente á marxe



Cod. Validación: 4GKPCPW7H7KAHAHY2EFXCE7M | Corrección: <https://concello.tui.sedelectronica.gal/>
Documento asinado electronicamente desde a plataforma xestiona esPublico | Páxina 7 a 7